



Kai Tomren
Postboks 30
6398 TOMREFJORD

Vestnes kommune - løyve til planting av sibirlerk på gnr67 bnr 11 og 13

Fylkesmannen i Møre og Romsdal gjev Kai Tomren løyve til utsetting av sibirlerk for skogproduksjon på gnr 67 bnr 1 i Vestnes kommune. Løyvet gjeld for suppleringsplanting med 600 stk. tre på eit areal på ca. 5 daa, UTM 694000 394000. Løyvet er gitt i medhald i §§ 4 og 5 i "Forskrift om utsetting av utenlandske treslag til skogbruksformål". Det er sett vilkår til løyvet.

Vi viser til søknad datert 27.09.2016. Søknaden gjeld utsetting av sibirlerk (*Larix sibirica*) på eigedommane 67/11, 13 i Vestnes kommune. Formålet med utsettinga er skogproduksjon. Søknaden gjeld 600 tre på eit utmarksbeite og avverka plantefelt av gran på samla 5 dekar.

Utsetting av utanlandske treslag krev løyve etter forskrift om utsetting av utenlandske treslag til skogbruksformål av 25.05.2012 (heretter kalla forskrifta). Formålet med forskrifta er å hindre at utsetting av utenlandske treslag medfører eller kan medføre uheldige følger for naturmangfoldet, jf. § 1.

Søknaden skal vurderast etter prinsippa i §§ 8-12 i naturmangfaldlova (NML), jf. § 7 i NML.

Vurdering

Ved vurdering av om det skal gjevast løyve til utsetting, skal eventuelle uheldige følgjer for naturmangfaldet vektleggast. Det skal leggast særleg vekt på om treslaget og eventuelle følgjeorganismar medfører risiko for uheldige følgjer for det biologiske mangfaldet. Det kan ikkje gjevast løyve viss det er grunn til å tru at utsettinga vil medføre vesentlege uheldige følgjer for det biologiske mangfaldet, jf. § 7 i forskrifta. Utplanting av utanlandske treslag kan ha ein negativ påverknad på naturmangfaldet ved å endre den naturlege artssamansetnaden og dei økologiske funksjonane på staden.

Kunnskapsgrunnlaget (NML § 8)

Sibirlerk er klassifisert av Artsdatabanken som ein art med lav risiko. Arten har neppe nokon påverknad på norsk natur ut over den effekten dei har på det arealet dei blir planta på.

Vi har vurdert dei naturfaglege kvalitetane til plantearealet. Det vert oppgjeve at dette er eit utmarksbeite og eksisterande granplantefelt som er avverka. Det er ingen andre

registreringar i Naturbase i høve raudlisteartar eller andre relevante verdiar. Ei planting vil ikkje medføre spesielle landskapsmessige endringar. Ut frå føreliggande kunnskap vil ikkje plantinga medføre uheldige følgjer for naturmangfaldet.

Føre-var-prinsippet (NML § 9)

Vi vurderer vidare at behovet for å avslå, evt. krevje tilleggsutgreiingar på grunnlag føre-var-prinsippet er lite.

Økosystemtilnærming og samla belastning (NML § 10)

Vi kan ikkje sjå at plantinga medfører noko belastning som skulle utløyse noko uheldig, samla situasjon for eit område eller ein naturtype.

Kostnadane ved miljøforringing (NML § 11)

Kai Tomren kan påleggast å fjerne utilsikta spreieing av utplanta sibirlerk. Fylkesmannen kan pålegge tiltak etter NML §§ 69-73.

Miljøforsvarlege teknikkar og driftsmetodar (NML § 12)

Bruk av treslag med lav økologisk risiko er ei god miljømessig tilpassing. I tillegg er den som har fått løyvet til utsetting pliktig til å føre internkontroll, jf. § 10 i forskrifta.

Konklusjon

Vi vurderer at det er små negative effektar på naturmangfaldet i utsettingsområdet som følge av planting av sibirlerk. Med bakgrunn i opplysningane i søknaden og kunnskapsgrunnlaget, vurderer vi spreieingsfaren som låg, og faren for negative økologiske effektar som liten. Fylkesmannen i Møre og Romsdal gir Kai Tomren løyve til utsetting av sibirlerk på gnr 67 bnr 11 og 13 som omsøkt. Løyvet gjeld for 600 stk. tre på eit areal på 5 daa, jf. §§ 4 og 5 i Forskrift om utsetting av utenlandske treslag til skogbruksformål. Vi viser vidare til krava i forskrifta §§ 8, 9 og 10 om hhv. varsemd, informasjonsplikt og krav til internkontroll.

Det vert sett følgjande vilkår til løyvet:

- 1) Dersom det vert oppdaga spreieing av tre utanfor plantefeltet, skal desse fjernast, og Fylkesmannen i Møre og Romsdal må varslast.
- 2) Løyvet skal oppbevarast hos tiltakshavar og grunneigar inntil vilkåra i løyvet er oppfylt, jf. § 7 fjerde ledd i forskrifta.

Vedtaket kan påklagast til Miljødirektoratet innan tre veker i samsvar med forvaltningslova. Ein eventuell klage skal opplyse om kva endringar ein ønskjer i vedtaket, og skal sendast til Fylkesmannen i Møre og Romsdal.

Med helsing

Ulf Lucasen (e.f.)
Ass. miljøverndirektør

Ola Betten

Dokumentet er elektronisk godkjent og har ingen signatur.

Kopi:

Vestnes kommune	Rådhuset	6390	VESTNES
Miljødirektoratet	Postboks 5672 Sluppen	7485	TRONDHEIM